

## 青少年反對「逃犯條例」街頭訪問

日期：2019年6月12-15日

地點：金鐘「反送中」活動一帶

訪問員：突破機構研究員

對象：10-29 青少年

訪問組別：

組別	人數	性別	年齡	身份
一	3位	女	21-24歲	職青
二	3位	2男1女	21-24歲	大專生、職青
三	2位	男	21-24歲	職青
四	1位	女	29歲	職青
五	3位	男	15-18歲	學生
六	2位	女	20-21歲	大專生
七	1位	女	27歲	職青
八	1位	男	17歲	學生

訪問問題：

1. 點解會出嚟反對？
2. 對社會處境感覺如何？點理解青少年感到無力仍要表達不滿？
3. 點睇示威者「和理非非」及「激烈行動」？

訪問結果重點

1. 對社會處境感絕望憤怒，但認為「逃犯條例」有損香港自由法治，即使未必有用仍要走出來表達不滿。

「係好絕望，但都希望做到啲野改變，好過咩都唔做。」

「星期日有成百萬人出黎遊行，個政府都可以話繼續二讀，真係好過份囉…  
影響香港自由…出聲反對唔知有冇用架，但唔反對就一定冇用。」

「我諗住星期日(9/6)出黎遊行之後唔再出黎架啦，咁多人個政府都唔理。  
不過真係唔得啦，最後都係要出黎反對。」

「近幾年香港已經失去左太多野，唔可以再咁墮落。」

「屋企人覺得反對都無用，我唔知啦，但都想出黎。」

2. 帶有使命感：保護自己地方、保護比自己年輕的青少年

「『逃犯條例』好影響下一代，一定要反對，唔想佢地生活係恐懼入面 …

(問：但你地都只係剛大學畢業)

… 咁如果通過左，佢地一出世個社會就已經係咁。」

「學生可能背負既野唔多，無咁多顧慮，出黎做野果啲可能放唔低份工，但我地學生可以出黎。」

「我最唔想既係要啲中學生企前面保護我地，係兩傘果時好多人都保護我地中學生…

(問：但你依家只係大專生)

… 但係佢地比我地細個嘛，要保護返佢地。」

「今次係多啲學生出黎…當年兩傘果班都出黎做野，始終做野有包袱，咁咪出黎係後面支援囉。」

3. 即使對香港現況不滿，但仍想留下，因為喜歡這個地方／想保護這個地方

「我係有能力離開香港…但如果可以的話，我會選擇留低，我唔想見到呢度有事，我想做啲野。」

「我地走唔到架啦，點走呀 (問：但如果走到呢?)。就算走到，我都想留係度，因為呢度有我既朋友，其實我係好鍾意呢度。」

「係鍾意旅行去其他地方，但旅行唔同，呢度始終係你屋企。」

4. 日常有留意關心社會，清楚有關「逃犯條例修訂」，亦會與身邊朋友討論

「我地平時係有留意新聞…我啲朋友都關心」

「平時都鍾意行街食飯…我地都係港女…但如果涉及呢啲咁嚴重既社會問題，我地大家都會關注行動。」

「我同啲朋友都會傾，係網上睇人地 share 既野」

「我一直都有睇，知道發生咩事。」

5. 示威者激烈行為，是政府拒絕面向市民的結果

「和理非作用唔大囉，咁多人遊行個政府都咁。」

「政府夾硬黎，就算有反對聲音都唔理。」

「有邊個想咁激烈吖，依家係個政府唔睬我地嘛，如果佢地肯聽、肯同我地傾，梗係傾啦唔會用呢種方法啦。」

「其實大家要問，點解青年人迫到要用呢種方法，係個政府造成。」